

續修四庫全書

《續修四庫全書》編纂委員會編

續修四庫全書

上海古籍出版社

一六六六・集部・總集類

皇清文穎續編一百八卷首五十六卷目錄十卷（卷三十九至卷六十六）

〔清〕董誥等輯

……………一

皇清文穎續編卷三十九

賦

聖駕東巡恭謁

祖陵賦 謹序

董邦達

臣

問聖王以孝治天下是以四海之內各以其

職來祭蓋孝德所感罔有遐邇莫不尊親周禮

大宗伯詳享帝享親之典而韎師掌四譯之樂

者屬焉所謂通於神明光于四海孝之至也我

皇清文穎續編

卷五

賦

朝聖基遠陽奄有區夏

聖

聖繼承報本追遠緬思

先烈祭告

丹陵我

皇上繼序之八年告成祀事錫類施仁茲以十九年

之秋復戒百官具輦輅恭奉

皇太后以往謁焉於時海宇清寧遠人賓服重譯絕

微奔走偕來本仁祖義之禮備而惇德允元之

義洽矣 臣 備員

禁近欣逢

孝治之隆未得趨跽俎豆之旁作頌聲以播

光烈然鳬藻之私莫能自已謹拜手稽首而獻賦曰

帝啟魚鈴揚

五葉之天聲樹元陳樞繼繼承承召隕舊以延禱曰

明德之惟馨配

皇清文穎續編

卷五

賦

圓壇以帖妥禋

太室以迎精四和既薦百順斯名乃純心之孔熯復

殷禮之肇稱

神軒受祐

原廟告誠有至煩而不省荷申錫于無疆其對越之

心蓋春秋以匪懈而不疏不數者則合天道以俱行

歲大淵獻

皇帝巡東用特牛于

藝祖告狩典之成功拜

珠邱而薦祚眚聽觀之交通仁孝昭禮樂隆滂滋液
沛麗洪和氣四達沖沖融融蓋希舉之曠典也而
孝思不匱更有事于五卜之再重爾乃歲在闕逢日
惟庚辛奉

慈寧而啟蹕詣東土以明禋於時海內有謠苗夏無
塵蠓飛蠕動外屬內馴雖圖籍所未隸界絕而不鄰
莫不回面景附望斗而稱臣於是肆觀羣僚廣沛

皇清文頌續編

卷五

賦

三

恩綸詔天鈞而命駕兮屬壁壘以梁津命參旗而戒
道兮屯宿衛于鈞陳八神奔而扈從兮振屬車之殷
麟然後建辰旂張鳳蓋翳華芝拂羽旆星日照爛雲
霓蒼靄龍旌九旂三辰作繪洪縻騁於天衢兮雷音
震於無外環轂騎以清路兮齊七萃以騰驤聲和鸞
以節步兮應佩玉之鏘鏘籠山絡野夫何旗旄邛偁
之魚頡而鳥盼也梢雲切漢夫何中黃豹尾之勒分
而翼張也隱隱隆隆千官景從凌高衍之砥嶠超紆

謫之崦嵫

駐蹕吉林王氣所鍾雲連萬壑翠沓千重屬靈七駟
負弩五戎咸迎

鑾而舞蹈旋肅拜而呼嵩

帝曰俞哉無忘武功爰命司士晉秩酬庸乃命車徒
駕言行狩迹人來告髣髴孔有維巨熊之蚺蛟時抵
掌而擣首竿及所不能搗叉簇所不能取中黃朱鬣
所不能誘賁育戟手所不能禦我

皇清文頌續編

卷五

賦

四

皇乃援天弧飛神弩黃閭滿引綠沉齊舉彼攀檻之
雄姿早應弦而沒羽雖格獸于雲夢射蛟于江渚曾
不足擬厥奮雄而方斯神武此所謂克詰戎兵以觀
揚夫

烈祖者也爾其溯幽館閱豐垣鬱

興京之佳氣思剏造之難難遙指夫巫閭曉帆長白
嶺岷環以渾同之脈迴以鳴綠之湍嶮溟鬱沸溟溟
泮汗巨靈鼉鳳蛟龍結蟠蔥蔥鬱鬱萃爲大觀莫不

河山帶礪環拱乎

陵園乃相與垂神于蠅蝸之室明心于錙壇之宮靡
薜荔以爲席兮折瓊枝以爲芳吸太清之流霞兮飲
若木之露英將以契元符于冥漠肅謦假于靈承乃
謁

丹陵孔惠孔時設皇邸舉洪頤陳玉瑞樹靈旗肆師
築鸞典同誦詩庶官獻幣六祝陳詞揚戡定之大烈
兮信累洽而重熙溯作求于世德兮昭丕顯之燕貽

皇清文穎續編

卷元

賦

五

我

皇于是惕志齋明遊神顧禋求陰求陽于彼于此
我神山訐訐流水君之宗之曰時曰止此邪館之增
其式廓所以受

帝祉也築室翼翼是度是營體國經野通觀厥成此
豐垣之四海攸同所以奏永清也仰福

帝居陽曜陰藏土圭測影終焉允臧有高山荒作之
功焉蒲蓮星拱隆業慘惓成都成邑弼我不基有省

山通道之規焉於斯時也愾乎若見僂乎若聞聆嚶
兮豐融普淖兮苾芬炎感黃龍燦訛碩麟和鬯泔淡
旨酒清醇靈圯迄兮降氤氲選巫咸兮延羣神儼暗
霽兮莅清壇瑞穰穰兮委如山乃整貳輶揚飛軫羽
蓋葳蕤葩瑤曲莖肅肅習習莅于

盛京爾其九達四衝屢開連雲交貿萃處雜遝紛紜
旁周沃野畎別澮分黃童白叟抃舞詵詵綺裳連襪
蹈德咏仁內則度營室以表臬法紫垣以建宮左昭

皇清文穎續編

卷元

賦

六

文德右象武功關雎麟趾華闕朱堂匪雕匪刻式度
式臧有嚴

崇政景耀煒煌于是延廣樂奏九成冠韶夏冒六莖
鈞天奏疑雷霆管絃交作鐘鼓鏗鏘凡旄人所舞之
樂鞀鞀所掌之音莫不合孤竹以間奏共空桑以和
鳴庭燎晰晰臣工祁祁雲瞻

玉陛嵩呼

彤墀豐肴衍衍行庖皤皤東醴流澌溫酌躍波沛宮

父老笑言孔洽南陽故舊酣滑無譁雲飛揚兮雨滂
清天聲起兮雷鼓頌聲溢於寰中仁風暨于疆外
乃結部曲整行伍月建牙旗日臨赤羽鵝鵠魚麗方
圓規矩前後分勁左右成拒次和樹表陳師鞠旅旣
收軍而會衆若電息而雲舉仁恩殫
皇威宣羣歡洽百禮虔承孝享以大順昭
聖德之體乾尊
祖敬

皇清文頌續編

卷元

賦

七

宗之義備而

聖神文武之事全矣

皇上乃觀衆庶之說豫樂福應之繁昌萃人文以化
成麗景煒而道光行致賚于九扈溥燕譽于家邦先
蠲租而賜復沛大澤之汪洋

錫從官以爵秩俾各勵夫官常然後動大輅遵康莊
萬乘迴薄千騎騰驤波平滄海日出扶桑還我

神京雲擁天閭假于

太廟告厥成功

一人展孝穆穆皇皇普天率土助祭稱觴爰問雲屯
陰羽風翔北燮丁令南諧越裳西被無雷東踰樂浪
重舌九譯

闕下趨蹌如水朝宗如日當陽所謂合萬國之歡心
以事

先王也於是三事岳牧之徒僉爾而進曰於皇

聖祖三莅遼陽謁

皇清文頌續編

卷元

賦

八

元官薦大房夏鳴球以格

祖綏眉壽以降祥

世宗奉藩代薦馨香遼萬幾之既總迺宵旰而未遑

皇帝御極禮達樂行大禮再舉先後相望蓋述

聖祖之事而繼

世宗之志奕葉重光也乃作頌曰

維

清緝熙紹

聖緒兮

天作高山大啟宇兮世德作求單心源兮發祥流慶
崇

堦垣兮受釐承祉信厥對兮幽明合契杳旭卉兮

鼎湖龍氣隨軒黃兮我

皇繼序肅丞嘗兮吉蠲爲饗勤對越兮四海助祭踰
窮髮兮遠至邇安儼聲靈兮願附版圖向太平兮元
祀惟稱澤下逮兮降福無疆靡萬世兮

皇清文穎續編

卷五

賦

九

聖駕東巡恭謁

祖陵賦

謹序

紀昀

臣聞祭不欲數所以深致其尊嚴祭不欲疏所以時通其親愛祖功宗德必申報以精禋春禘秋嘗皆合符於天道聖人制禮其義詳矣至於柏城山殿闕千歲之金鐙儀馬靈衣護萬年之玉匣銜珠僊鳥精爽長存繞鼎天龍英風如昨姬宗受錄初傳祭畢之文漢氏修儀屢奏上陵之曲凡以神軒殷薦撫弓劍而不忘原廟瞻依拜衣冠而申慕緣情制禮在古人未有常期因事告虔惟

聖主協其天則欽惟

皇帝陛下純心薦祉至孝通神肅肅離離已延禧於

清廟元元本本更作頌於高山燕及

皇天揚駿聲以昭德格于

藝祖告巡狩以明虔昔於癸亥之年

皇清文穎續編

卷五

賦

十

新移六御曾以仲秋之吉恭謁

三陵播

前烈而有光飲太和以示慶當其禮行樂達共浴願

洪乃復愛著懋存彌懷對越但以

神宮靜謐非時不敢輕臨

雲闕森嚴無事不容數告洎今闕逢御氣歲陽回十

幹之初闕茂司辰星紀際一周之候本天舉事

將奏鼓以思成率

皇清文頌續編

卷五

賦

十一

祖攸行用翕河而哀對克昌厥後緬懷幽館遺基時

邁其邦復履壽邱舊邑精符有感織女星明州

絡所經真人氣應

昊天其子三靈叶大順之符

先祖是皇百福答孔明之祀且夫帝王之孝在徧合

其驩心昭格之原在克揚其大烈昔者

帝出乎震天符彰元鳥之祥人始於寅王氣兆蒼龍

之野百靈受職降斗宿於黃神三尺親提耀炎

精於赤帝金枝結葢開天而位正中央五弩垂

芒闕地而威行東北挹婁勿吉全收三孽遺墟

鞅鞅句驪盡隸二南舊域元狐授錄當年屢奮

干戈白鹿呈圖今日莫非臣僕自熱河取道吉

林續舊服也燕犀冀馬天下稱雄火帝雲師

先皇教戰歌幽風之于貉公子爲裘吹渭水之非熊

文王卜獵舞昭七德未忘開國威靈詩詠四黃

不廢乘時講肄豺方祭獸弓矢斯張鳩始爲鷹

皇清文頌續編

卷五

賦

十二

尉羅可設非唯以充乾豆備享祀于

神明實亦克詰戎兵用觀揚夫

光烈合圍十九繩

祖武也若乃黃祇孕氣肇王迹於神皇青帝含精闢

奧區於吉土天地長男之位鬱律居尊山河兩

戒之靈蜿蜒聚勢華胥神母實感虹生申甫名

臣亦緣崧降流泉相度迹追築室之初喬嶽懷

柔禮頌時巡之日望祀長白溯王業所由興也

至於書銜木爲號渙

明堂竿揭金雞星空貫索引年尙齒示孝弟而涵
柔賜爵蠲租宜民人而嘉樂根茲暢遂蕃釐宣
德產之精風雨和甘滲漉達桐生之氣歌傳沛
邑兒童俱奏三侯酒置南陽父老齊呼萬歲非
所謂孝子不匱永錫爾類者耶况乎廟中境外
仁孝同源神主民依天人合契流通一氣將舍
識以知歸格被萬方自敷天之丕應虞廷饗保
皇清文穎續編 卷五 賦 三
王母貢其玉環周道尊親越裳獻其白雉
帝車東指兩都之馳道方通天馬西徠萬里之流沙
已被正似鳴球來格感獸舞以徵祥亦如大糝
是承載龍旂而恐後又所謂孝治天下不遺小
國之臣者矣夫周書作訓禹迹方行商頌登歌
湯孫奏假思文后稷推祖德於陳常明昭有周
播王靈於式序莫不形容盛美震耀古今 臣幸
際

聖朝備員翰苑西崑載筆本緣文字蒙

恩東壁觀書惟以咏歌爲職其敢不竭其膚末揚我

休明謹拜手稽首而獻賦曰

伊

世德之作求卜靈長之受祐襲氣母以斟元莫柔祗
而拓宇推開基之有自周詠生民緬降福之無疆商
歌烈祖

二京並建鴻都永峙於東西

皇清文穎續編

卷五

賦

古

九廟常尊世室不遷夫文武道光玉券既垂統於來

茲

神闕珠邱宜薦馨於終古衍蒼牙之慶

帝系絲延彰紫氣之符

聖人作睹攝提合雒大揚

五葉天聲夔鼓龍旂克纘百年靈緒溯基豐邑曾殷

禮之肇稱報本

橋陵乃鴻儀之再舉爾其炎帝司天赤駟載駕羲和

練日朱鳥方中驗六宿之鉤陳星辰指北占四維之天目

鑾輅巡東瑞節先行早戒期于舊國

安輿虔奉暫消夏於

行宮蓋昭德示和未舉明禋之盛而問安視膳已彰

聖孝之崇則有司隸戒途土方樹舍萬騎趨趨七驛整暇

玉皇絳節雙龍夾轂以回翔

皇清文穎續編

卷五

賦

五

金母雲駢三鳥扶輪以上下至

行殿之崔嵬見旃裘之奔逐厥契底貢爭看西旅之來我馬既同適飭東都之駕若以荒遠之潛孚而昭本原之至化也於是津通析木地涉幽都躔分箕尾星帶龜魚井鉞參旗摩坎宮以東轉軫收房駟臨丑位以斜趨經過羲幕瓊城重拜雙雙之豹尾漸至白山黑水新瞻九九之

龍車大獮治兵時維八月陳師鞠旅

王用三驅貌虎熊羆赫矣聲靈之震疊風雲蛇鳥依然開創之規模夫其兩廣舒張六花奇正立萬馬而不嘶列八門而聽令象

祖宗之俟天休命也陣分鳥翼圍合魚麗方總干以山立俄鳴鏑以風馳象

祖宗之應運興師也弧直星狼芒摧天狗批蒼兕之千斤振奇鶴之九首象

祖宗之蕩滌九有也三品既登五穢斯取爰解網以

皇清文穎續編

卷五

賦

六

示恩咸止戈以有序象

祖宗之永清大定修文偃武也別有犀手成羣鯨波無際禮陳大獵橐楊柳以登鱣頌奏多魚取鯨鰭以供祭忽來忽往鼉鼉若駕其橋梁一縱一橫鸞鶴宛成其陣勢聚歧浪之雄材角凌波之精銳儼然見泛鴨綠聲覺華而兩平東裔也爾乃臨座豁之長江環采珠之巨澤睇龍戰之大荒緬鷹揚之舊迹依稀水許亶父營居髣髴夕陽公劉卜宅穆懷

祖烈紆

清蹕於吉林遙答神休薦嘉筵於長白是葢創業所
由發祥斯在蟠地脉以尊嚴聳神峯而礪礪惟

聖帝之將興閱靈區以相待噶山有頌等於望秩燔
柴祀事初行亦似先河後海乃發肅慎乃向遼陽周
原撫撫殷土芒芒抵東北以回
鑾翠旌容裔指西南以移

蹕玉軼鏗鏘鴻雁聲多下千林之黃葉鯉魚風起落

皇清文穎續編

卷元

賦

七

九月之丹霜翠柏青松忽遙瞻夫

靈殿華旗芝蓋乃遠陟夫崇岡守以熊羆浮五雲於
空濶望如龍虎接一氣於青蒼是

鼎湖之所在而烏號之所藏也

天子於是召宗伯命太常陳廣壯列大房以妥以侑
或肆或將奉鬱金以裸地燭蕭火以求陽薦兩敦而
親盥格

四聖於同堂推

始祖所自生則義通於禘當季秋而有事則禮近於

嘗洞洞屬屬穆穆皇皇蓋溯若水之淵源重來告潔
因追宗周之謨烈以次升香繼謁

福陵載瞻天柱肇承寶錄戰戰兢兢而興師怒奮天弧
翦崇侯而整旅白旄黃鉞當年屢震

天威玉戚朱干今日猶陳武舞用大牲之吉絜爾牛
羊宣廣樂之和置我鞀鼓畢然

太祖之指揮率土也

皇清文穎續編

卷元

賦

七

昭陵肅穆隆業嵯峨虎賁三千傳盟津之作誓降蕃
十四憶貞觀之揮戈豐水攸同澤在都人士女昆臺
旣去功存大地山河蒼色角音拜

帝邱而如覲辟剛白牡躋

享殿而升歌穆然

太宗之功業不磨也斯時也祖義本仁化神氣盛萬
國合歡

一人有慶禮成福備已符百順之名孝享吉蠲允協

九如之詠蓋

列祖經綸草昧貽此珠囊而

皇帝提挈天綱握其金鏡思

前烈於丕承感

遺模於執競愾聞僎見意縟潔以常通崇

德報

功情纏綿而莫竟秋霜春露永懷十載之誠玉瓚黃

流乃致一朝之敬由其馨香之昭事仁孝純深所以

皇清文頌續編

卷五

賦

九

典禮之重光後先輝映是知奮武揆文不遺藩裔觀

民設教遠歷山川出紫塞之嚴關荒綬五百紆青羌

之巨野道路三千木葉峯頭共瞻玉斧松花江上亦

拜華旃固由宣

天子之聲明朔南俱暨實則推

祖宗之仁愛中外無偏至於

彤庭啟

丹詔傳天膏沛愷澤縣肆夏一歌

王風胥洽由庚既奏和氣畢宣祝保定者咎鹿鳴之

什式燕樂者咏魚藻之篇型仁讓者眉壽介公堂之

酒蒙樂利者曾孫守原隰之田培本支於百世頌

天子於萬年又孰非推恩之所必及廣愛之有由然

夫岡陵三壽祀先致祝於作朋河岳百神洽禮歸原

於允保孝孫有慶集主祭之嘉祥上帝居歆荷配天

之靈造詠徂賚於

皇王知受釐於

皇清文頌續編

卷五

賦

三

祖考不煩不怠萬福來同是繼是承

一人有道雖蔡邕一議未足測其精微光武三巡不

能較其多少又何論元都洛北金華碧瓦之尊崇法

駕河東甲帳珠簾之祈禱乃作頌曰

寢廟迎神

圓壇配食四氣薦和九成象德如見如聞既匡既敕

矧伊遺弓闕茲

靈域

精爽斯憑瞻依何極於皇

聖祖孝思維則三賁

鑾輿巡於舊國受福穰穰時萬時億

皇帝奉

先有嚴有翼松柏親瞻車徒再飭載執鸞刀載升黍

稷肅肅其容愉愉其色

神保是饗馨香不忒

湛恩旁推祥和充塞侯甸要荒東西南北四海來祭

皇清文穎續編

卷五 賦

三

各以其職渺彼氏羌亦歸銜勒慕我

王道無反無側唐歌謠渾邪屏息抱蜀不言未戰

已克化馳若神孰窺孰測孝治既昭萬理自得臣作

頌聲匪文匪飾樂石精鏤億年不泐

平定準噶爾賦謹序

李中簡

乾隆十九年

皇上駕幸熱河受準噶爾降人

詔討其亂二十年三月大軍分道入皆風靡無敢蘇

刃五月會於伊犁達瓦齊就擒準夷平竊惟準

夷負固久自絕於天不悛大割我

皇上示以羈縻垂二十年然後收之以不戰定之以

崇朝

皇清文穎續編

卷五 賦

三

聖武大業澹然而成威惠所孚積累至深遠也臣謹

拜手稽首而獻賦曰

維

大清受命

聖緒繼承德耀九有威暢四溟愍中外以視福靡荒

遐而澹穰萬國元靜蕩侯休德敷天繹思率土受職

東南一尉西北一候森襟帶之環拱彙車書而輻輳

若夫西域門戶湟中十部北幕藩翰五城保聚扼以

玉門陽關之重險表以葱嶺祁連之天作車師則屯
更校尉瀚海則府開都護軼成算於往昔示懷柔於
大度益我

朝臺岐肆征威信素著故大定以來不煩一矢之加
而指臂驅者以十百數惟準噶爾始以有元遺孽竄
伏西戎蠶食諸番怙遠自雄世濟梟獍之凶德長育
胎卵於深叢伏稽

聖祖仁皇帝赫焉撻伐三駕窮邊兇渠授首藁街是

皇清文頌續編

卷五

賦

三

懸鑄功拖諾之高峯飲馬臚胸之深淵暨我

世宗憲皇帝騰太白發獍弧天戈一揮摧朽拉枯拍
襲草之龜氓匪盡取而殲諸乃飭邊防乃裕國儲俾
疆本以弱末畫寧人之遠圖我

皇上嗣位以來聿念白狼赤虺之多種也飲薊翹蹕
之易動也得之不足以爲富服之不足以爲勇則姑
予以不加不臣以俟其沐和食恩而純誠自悚也夫
何逆酋篡竊自絕人理孽豎披猖效尤罔已跳踉叫

嘅以千天紀脅吻反噬角距還抵親睚離析漬若瘡
瘡倡義者款關而歌孔邇聞風者內嚮而怨遺已
帝有閔焉咨於在廷非常之原衆慮異情

帝曰懋哉惟

天惟

祖宗愍遺緒功以課予成矧無辜籲天避水火其可
以寧於是合天人之謀基萬變之策信有孚之盈缶
觀豚魚之自格沛陽春之雨膏盪大漠之毒螫曰汝

皇清文頌續編

卷五

賦

五

班第惟北軍是帥取彼罪人用申投畀曰汝永常惟
西軍是將赫赫薄伐以靖我土疆爾乃飭方連於圖
外出虎旅于禁中稟機宜於

丹陛載

明威以折衝雖有層水之嵯峨將抗足而登之雖有
弱水之澎湃將擐甲而憑之鸞鶴旣整龍鳥斯張旌
旄戈鋌沛焉洋洋倚燕然之長劍抉朔雲而頓開吹
輪臺之曉角盪流沙以西顧乃陟高山穹碑斯存曰

此我

聖祖駐蹕之察罕七羅也乃臨巨津厥流渾渾曰此我

聖祖逐北之克魯倫河也庶草尙茁於荒磧流泉自涌於沙陀歎真宰之效靈閱萬禩而不磨狼居胥麓大河之濱有還我師氏羌萬羣跪有羔禮行如雁臣聆

天語之纏懇抱馬足以驢呼誓勢而以歸命願執戈

皇清文穎續編

卷五

賦

五

以前驅會二軍於伊犁收青海之游魂降四部之台吉繫渠魁於轅門走名王而負矢靖游牧之窟穴鼓勁風而掃敗葉同日月而照霜雪杭靄陳兵則陣雲崢嶸玉關報捷則天馬踐蹠魁革面逆聽望風崑崙月竊疆宇大同護羌所制屬國所通

帝有錫命嘉乃膚功

帝有大猷蘇彼困窮新毗澹於沉灾枯瘠起於溝中露版宣檄檻車徵俘前軍凱歌振旅旋都澍雨洗兵

溫風扇旆旂鼓喧喧而競陳提騎駭駭而交會歸蘭錡於武庫之藏數軍實於司馬之會蓋猶是周官蠲鬯服不衛良除害又如講武西郊一殪夫奚豕與封狼遂合圍乎天山青海之外於是冊府啟

絲綸宣肆類

上帝咸秩名山精裡格於

七廟告成事於在天懌

珠卽之靈爽練時日以薦虔念孝治之不遺欣普天

皇清文穎續編

卷五

賦

五

之同歡熙

鴻號於

慈寧沛闔澤於八埏磨蒼厓以紀績頒大賚於秋原

百禮舉

皇情舒天門洞開劍佩羣趨儼東西之分序輯五瑞以合符受下國之共球覽王會之全圖椎髻鬣首之倫緩耳雕腳之衆蒙奇兕勒之譯山川珍寶之奉生金丹砂之獻禽管路竹之貢止戈修文織錦成頌舞

邱羌之翔鸞儀西申之鳴鳳舍以上林葡萄之園館
優以牲牽餽廩之常供穆穆乎鴻臚之班序雍雍乎
理藩之迎送莫不畢湛露之三爵沐太和以悃悃顧
遠人其何幸庇覆載於高深相西醜之怙惡若穹谷
之自沉願依天而有路永親上而同心粵稽厄魯特
效順於

國初也貢其九白以倡西北諸國厥後金山陸梁自
取誅殛苞有遺孽奄焉假息於今六十年矣運有流

皇清文頌續編

卷五

賦

七

而必返物無往而不極今且授以歲時里其疆域血
氣之倫盡取而亭毒之殖有禮覆昏暴時惟欽崇代
天工也虞格載於二典殷克垂於大易時惟不釐得
聖師也祇覲揚於

世室儼陟降於左右時惟作配繼志述事之大者也
然則景命方迓大同之期叶氣流春九垓均禧方將
使拂蒜獻其神鳥林邑輸其名香軒轅格其壽民吉
雲貢其天漿綿西宇而橫南極被青野而亘元方象

來致福惟休無疆豈徒規撫虞夏約畧漢唐誌怪奇
於山海之荒忽誇盛美於史氏之鋪張云爾哉敬作
頌曰

皇撫景運澄八遒兮有狡憑險跽以跳兮天弧右彎
落妖旄兮雷動風散

聖武昭兮經緯日月周索包兮灝灝和寧干戈韜兮
乾亨坤慶鴻鈞調兮杞梓競敷蘭蕙翹兮梧禽激響
麟在郊兮天酒五禾成甘膏兮霑灑萬里來青霄兮

皇清文頌續編

卷五

賦

七

小臣和聲備歡謠兮